

子百禘自既灌而往者

吾不欲觀之矣

初版

全一冊

傷寒病藥歌訣

柏森自題



中華民國三十二年仲春



傷寒病藥歌訣



柏森自題



傷寒病藥歌訣

羽
精
用
寄

教

立人宋培鈞題

衛慶

王蔭嘉內科幼科診藥例

(科目)

幼科

祕製丸散內服拗藥

內科

男婦傷寒溫熱方脈

(診藥例)

門診

診金每號國幣二拾元

●小兒內服丸散藥費

(普通症)四十元
(重症)五十至二百元

出診

短程 診金每號五十元
長途 診金每里二十元
(藥費川資均另計)

上午門診

下午出診

掛號金壹元

診所
製藥部

浙善西塘鎮小桐圩西段環秀橋東本宅

金 柏 森 診 治 例

科目

傷寒科 內科 婦科

咽喉科 外科 幼科

門診

內證 每號國幣二十元

外證 每號四十至二百元

出診

短途 每號四十元

長途 每里二十元 川藥資另加

號金

每號國幣一元

診所
製藥部

浙善西塘里仁港

四四號
四五號

傷寒病藥歌訣序

傷寒者急性流行病之總名也內經曰人傷於寒則爲病熱又曰今夫熱病者皆傷寒之類也難經亦曰傷寒有五有中風有傷寒有溼溫有熱病有溫病溼溫溫熱既屬傷寒故世代名賢治溫熱之方莫有違異仲景法蓋仲景傷寒論也範圍至廣諸溫之病莫不賅焉固不僅狹義傷寒而已約言之有近世鑑定之流行性感冒枝氣管炎肺炎斑疹傷寒急性喉炎回歸熱瘧疾卡他性腸炎急性胃腸炎與真性霍亂及其他熱病併發證諸病豈

特腸室扶斯病哉其辨證探隱知微製方神機贊
化病有主證亦有主方方有主藥亦重配合分汗
吐和清下諸法寒熱溫涼之方辨證鑑病據病撰
方表裏先後上下異治法雖錯綜變化規矩則肅
然不紊帥其法世無疑病精其術覆杯取愈誠醫
界之聖萬世之師表也晉唐諸公篤守師法金元
而降學說變遷溫熱說漸行醫道職是日衰迨乎
勝清之世葉桂吳塘輩出倡說溫熱與傷寒抗衡
法分三焦異治藥尚輕清平淡謂可已病亦可寡
過學術膚淺深中庸夫心理故其術大行仲聖之

道田斯湮沒而不彰國醫學術乃至萎頓無生氣
可慨也夫顧視東鄰漢醫取吾仲聖餘緒日事研
究反乘時崛起實驗成績遠出西醫之上徵之吾
國醫受西醫攻擊而岌岌乎垂危者不啻有霄壤
之別噫仲景有知亦有憾焉今世憂時之士慮民
生之夭折國粹之將亡乃以科學整理重興仲景
學爲近世推重者 陸師淵雷惲氏鐵樵發皇經
義徵之新說而自成一家言從遊者亦多並世俊
艾今之醫界論復古啓新者多出 陸師之門近
數年來仲景絕學乃得復興其功豈淺鮮哉今有

金君柏森者精內外科好仲景學乃博雅明達之士也懸壺濟世已告十餘載與余有醫學交因感傷寒論文古義奧辭簡潔樸絕非初學者可得而卒讀乃著傷寒病藥歌訣一卷出以問世語簡義賅明顯陽達最便初學肄習乃不可多得之佳本也書成乞序余笑曰仲景學術余固好之何樂而不爲是以爲之序歲在癸未季夏浙善西塘王蔭嘉寫於介秀醫廬



傷寒病藥歌訣序

長沙大論炳耀千古其精神之寄託全在六經之分證論治原不拘執於傷寒溫熱也蓋傷寒溫熱爲一時間空間之假定名詞同一熱病在太陽經已未化熱之前雖暑月亦可謂之傷寒在太陽經已化熱之後雖冬月亦可謂之溫熱經曰熱病者皆傷寒之類其含義之博非後世所謂傷寒派溫熱派者也能明辨六經經證則麻桂柴葛苓連知膏硝黃參附無有發而不中的者傷寒然溫熱亦何獨不然豈復有越出六經證治範圍之外而能以

麻桂柴葛治陽明白虎承氣證本連知膏治少陰
白通四逆證硝黃以治三陰虛寒參附以治三陽
實熱者乎致歐醫以腸窒扶斯爲正傷寒餘則爲
副傷寒此削足就履在東西醫學原各有其立點
在也金君柏森爲余同學有傷寒病藥歌訣之輯
以三百九十七法爲經一百一十三方爲緯從此
六經經證湯醴調治釐然可考不復爲傷寒溫熱
所惑是與余有同慨焉回憶芸窗同研孜孜矻矻
每有下問於余固知好學者必有所成歌訣之作
猶嚆矢耳爰爲之序

癸未季夏重修南陽醫聖祠董事前中央國醫館
理事翼廬主人愛人宋翼序於吳門



孟子引之

顏恩

傷寒病藥歌訣自序

傷寒病藥歌訣何由而作乎不得已也蓋思醫學一道至深且繁舉凡生理心理病理藥理化學技術甚至天時地理物理衛生數學等等莫不爲其因素而在其規範觀乎古聖經典如靈素難經仲景傷寒論金匱要略等籍便知余茲說之非虛語矣仲景而下代有名賢著書立說盈車累牘何計其數初學者遍讀爲難每苦無門可入無徑可循遂興望洋之歎或畏難卻步或稍嘗輟止甚或有不怪己之無攻讀之智肄習之能反目之以不是

指摘誹謗任意抹煞而詡詡然自負爲卓見自以爲識者亦不乏其人此則余爲之千惜而萬歎者也雖然古今醫籍豈皆盡是無疵曰又不然也如葉氏之臨證指南吳氏之溫病條辨等類詞旨淺薄藥尚輕淡延誤病機殺人遂無底止皆不足爲學者之教本醫界之善卷而棄之爲得計也顧書籍藥物之夥病證無限之多而我人一生之精力有限雖屬上智豈能畢讀盡曉中下固無論矣卽如傷寒一端關係至巨仲聖明鑑於此創作傷寒論一書方證具備壽人濟世歷代名醫學士殫精

竭力孜孜不倦攻之於書冊徵之以實驗依經注
釋猶不免有相互之不同錯謬之百出惟可得而
爲此中之標本者則爲東醫山田正珍傷寒論集
成丹波元堅傷寒論述義吾國先賢惲鐵樵傷寒
輯義按曹尹甫傷寒發微而以科學整理徵之以
新說者莫若近賢陸氏淵雷之傷寒論今釋然初
學讀之猶有莫解其理而畏難中輟致趨歧途此
余之傷寒病藥歌訣之所由作也且誦閱醫書要
在得其精義而長篇廣幅多誦已告不易豈能心
得已哉此卷歌訣字簡義明旣便多誦又便易記

且較之以舊說正之以新學和之以事實不尙空談專求實是可爲初學讀本亦可爲醫師實用所云由作之不得已者卽在斯也但先猶逡巡不敢出而問世乃有友人王君蔭嘉好學有文精內幼科學識經驗堪稱超羣因事駕寓余以出而示之其捧讀再三曰六經具備方證顯著正古啓新發皇聖義可謂初學之階梯暗室之明燈此雖過譽之辭余不佞大胆多多矣乃不揣譎陋慨然付梓問世管窺之失紕繆之處或有難免若海內達士道中同仁苟以爲可教而辱教之則幸矣是爲序